

Жулва аьлимтал хъама къабивтссар

Март зурул 16-нний Сайидмухаммад-хѳажи Абубакаровлул цѳанийсса фондрал актовѳый залдануву хъунни лакрал аьлимтуран хас бувсса конференция ва Аьйшат Хѳажиевал сакин бувсса «Лакрал шайхтал, валитал, аьлимтал» тѳисса луттирал презентация. Шикку гьурттушинна дан бувкѳун бия тарихчитал, профес-сортал, диндалул агьлу, хѳукуматрал къуллугьирттайсса лак ва щархъурдал имамтал.

макъала: Камал Сагидов

«Лакрал тарихраву ливчѳун бакъар чѳявусса оьрмулиясса зару хъинну машгъурну бивкѳсса жула аьлимтурая, шайхтурая, мударистурая. Цѳаппаранная ливчѳун дур ялттувасса хаварду ва анжагъ кѳялазуруйсса цѳарду. Чѳара бакъа аьркинну бур ххал дан лакрал аьлимтураясса чичрурду жула республикалул библиотекардаву дакъасса, архивирттаву. Мукунна аьркинну дур кѳул дан ливчѳун дурив жула аьлимтураясса чичрурду Стамбуллал, Каирдал, Дамаскаллал ва цѳаймигу хѳукуматирттал библиотекартаву, архивирттаву. Аьлим-

турал оьрмулия чичаву хъанай дур ялун нанисса элмулул ва лакку мазрал миллатрал тарихтал ва маданиятрал асарду, тѳабиат кѳул дуллалаву. Жула дуркѳусса аьлимтал бавцѳуну бивкѳссар цѳайми исламрал хѳукуматирттал аьлимтурашал ца шачѳанттуй. Ми дуклай бивкѳссар Дагъустаннай бакъасса, Мисриллал ва цѳаймигу аьрабнал билаяирттай». Вай махъру чивчуну бур Аьйшат Хѳажиевал луттирал хъхъичѳумкъуву. Цѳа хъунасса аьлимчувнал увкѳуссар: «Цѳала тарих къѳакѳулма мурчѳисса балчаннуй буртти ивкѳун на-нима кунассар».

Ва
номерданий :



лаж. 4

Бивкѳу – оьрмулул дайдахъу...



лаж. 5

Чаклил хъирив дайсса азкарду



лаж. 6

Хѳатталах къулагъас дувара!



Гьукѳратусса Къурбан-апанни

Къурбан-апанни увну ур 1869-ку шинал Гьукѳрав Саид-хѳажихъал тухумраву. Ганал буттайн учайсса бивкѳссар Идрис-хѳажи, ниттин – Зумрут. Идрис-хѳажи ивкѳун ур шариатрал ххуллу бувгъусса адамина, ахътта хѳажливгу лавгъуса бусурманчув. Идрис-хѳажинал бивкѳун бур мукъа арс: Рамазан, Мѳяьсуд, Башир ва Къурбан. Оьрчѳинийва Рамазангу, Къурбангу хъинну аькълу бусса, итххявхсса, диндалул элмурдах гъира бусса, за ччяни бувчѳайсса оьрчѳу бивкѳун бур. Мунияту буттал гѳай Гьумук за кѳулсса аьлимтурачѳа дуклаки бувну бур. Оьрмулул 13-14 шинаву Рамазан лавгун ур Хѳажлив ва тиха зана къѳавкѳун ур. Ливчѳисса гъанминангу кѳулну бакъар гихунмайсса Рамазанул оьрмулуясса зад.

Цѳаппара хѳаллава Къурбан увххун ур га заманнай машгъурсса Къукуннал мадрасалувун. Мадрасалуву га кѳул хъуну ур Хъанардал Оьмардушал, Чѳуртгациял Сайпуллагьлушал ва цѳаймигу аьлимтурашал. Мадрасагу къуртал бувну зана хъуну ур шавай. Яла Къурбан лавгун ур дуклан Къазаннай. Шикку цѳала дуккавугу дурну зана хъуну ур махъунай. Шавай учѳайхту бувну бур кулпат, бувцуну бур цѳанма гъансса Шавлухъ тѳисса жагьилсса душ. Цѳала диндалул элмурду куртѳи дан Къурбан лавгун ур Турциянавун. 1890 шинал дуклай ивкѳун ур цѳал Карс тѳисса шагърулий Эрзерум областрай, яла Стамбуллай. Тийх дуклайсса чѳумал ивну ур Хѳажливгу. 15-ра шинай дуклайгу ивкѳун, цѳала дуккавугу къуртал дурну Къурбан зана хъуну ур Дагъустаннай. Шанна шинай цѳала шѳяраву имамну зий ивкѳун ур. 1918 шинал имамну зий ивкѳун ур Семипалатинск

тѳисса шагърулий Къазахстаннай. Яла гиккува зий ивкѳун ур муфтийнугу. Шикку Къурбан цѳуксса хѳаллай зий ивкѳссарив, жуца гьартану кѳул бан къѳавхъунни. Угъарасса оьрмулуву Къурбан зана хъуну ур шѳяравун. Чѳявусса оьрчѳан лахъхъин бувну бур чичин, буккин, Къуръан. Гъарца нюжмар-къини чак бувну мизитрава нанисса чѳумал, ганал цѳала къамлул дурцѳусса жипава, цинѳяв ятинтуран къама бачѳайсса бивкѳун бур. Шавай учѳайсса ивкѳун ур дачѳарасса жипащал. Къурбаннул къѳатлуву хъуниминнал цѳиксса цѳухла биширчагу цѳичѳав къама тѳисса зад къѳалякъѳайсса бивкѳун бур Къурбаннучѳан га заманнай Къуръан лахъхъин, чак бан занай ивкѳун ур Аьбдуссамад тѳисса цѳа оьрчѳи. Цѳува хъуна хъувкун га оьрчѳи къѳариртун диндалул элмурдугу, агьну ур цѳайми элмурдахун.

Дунияллия лавгунни Мухаммад Саид Рамазан Аль-Бутти

Мартрал 21-нний, ножмар хъхуну ва дуниял къадир-тунни шалла дунияллийх ца дурксса алимчу Мухаммад Саид Рамазан аль-Бутти. Шагиднал бивкүлийну панасса дунияллия лавгунни Дама-скливсса мизит пяхъ учин бувну. Мукун баян булла бур Сириянал телеканалал.

Полициялул тимуни буну, мизит пяхъ учайсса зад диркүн дур мизитрав вив, пяхъгу куну дур Аль-Бутти гивун бавтминнахъ дарс дихълахъисса чумал. Ва терактрал 49 инсаннал жанну ларсунни. Мунир махъ ца дурксса Сириянавасса алимчу Мухаммад Якъублул увкунни: «Машгурсса алимчу ивчлаву хъунмасса пашманшивури. Ца Сириянал халкъ бакъасса, шалвагу дунияллул бусурманнансса пашманшиву. Аллагънал ﷻ жува цинив тгайла бацан баннав», – куну. Мухаммад Якъублул тимуни буну, Аль-Бутти Сириянава цамур кланайн изан ччай ивкүнур, шикку хлакьинусса низам-



хлал зулмулийсса дунутий. «Мукун бухъувкун, шичча гъан пикри буссия алимчунал» – увкунни Мухаммад Якъублул. 83 шинал оърмулувун ивсса, угъарасса адимина унугу, Рамазан аль-Бутти ца лахлзалийвагу паракъатну щякъайклайва.

Мунал чивчуну бур Мухаммад Идавсил ﷻ оърмулиясса, фикъ-гъилул масалартту бувчин буллалисса ва цаймигу мюнпат-сса луттирду. Хъунав хъуну унугу, Аль-Бутти мутааьлимтурахъ дарсругу дишайссия. Аллагънал ﷻ алжаннул ххари аннав! Амин.

Хъаннил гъалатру

Цанасса чумал цаппара бусурманнал дянив бур укунсса тгайла бакъасса пикри – дин даву ва Ислам так ца мизитравун лагаврийну, чак баврийну, зума дугъаврийну къуртал шайсса ххай биклай. Ислам хъанахъиссар инсаннал оърмулул гъарца чул цивунма лавъсса дин. Оърмулуву ци ялун биярчагу, мунир дину дару бувсун буссар исламраву: маэшат баву биклу, хъатти баврил лагмасса ишру биклу, гъан-миннащалсса, члаххуврачалсса тагъар диклу, цайми ишру биклу – гъарцаннунсса ххуллу ккаккан бувну буссар диндалува.

Чъявусса арампал хъуна бакъай цала дин дуллалисса, амма кулпат-оърчлаха му чулиннай къулагъас дакъасса. Мукунсса инсан лащай базаллува маша булла кинигу гъан дурну, ххуйсса хайргу бувну шавай увкүкун, шаппаминнал мунал ляркъусса арцуьх навтгу бувтуну, гъарзад ччуччайсса инсаннаха. Цанчирча, адиминан багъантиссар Къиямасса кьини цалва кулпатрахлугу жаваб дулун. Бусурманчул икран аьркинссар хъинну къаралданий, цала шарссанил ва оърчал баймур Исламрайн бувну булланшиврул. Цуксса къалайкънугу, цаппара махъру учин багълай бур хлакьинусса жула хъаннил гъалатирттая, гайгу чил хъами бакъархха, жулва ссурвал, нинухълу, душру бухъувкун. Редакциялийн чъявусса суаллу бучлай иттацантту ритгун бучиссарив тий цүххлахисса. Цимилагу жавабгу дуллуссия кказитрай, амма цал уттигу бусан багълай бур. Хъанниву цүхху-бусу бувукун, күл хъанай бур миннува 60-70 процентрал иттацантту риттайшиву. Циван ритгару куну цүххирчагу, чъявуминнал учай гъарцаннал дуллалимур нагу дулла бура, куну. Иттацантту риттаву диндалул хларам бувсса задри. Ласнал ихтияр духъурча бучиссар тисса махъгу бур, амма му заэвсса махъ хъанахъиссар. Ми ритгун бучиссар так хъиннура гужну уривса духъурча. Махъсса ппурттуву ца ттигу цүсса аьдат дурккун дур жула хъаннил дянив – мурччив ва хъазам хъуни байсса. Мугу, хурмат бусса диндалул ссурвал, бунагъсса, хларамсса задри. Аллагънал ﷻ буллусса чурххал базурду ца савав дакъанура хъуни-чйиви буллан ихтияр дакъассар. Хъазамру хъуни баврил хлакъираву, духтуртурал бувсун бур ми хъазамравун дакъайсса силикондалул рак цүцлаву хъун дан бюхъайшиву. Редакциялин татуаж бавриясса суаллугу бучлай. Татуаж хъанахъиссар инсаннал бурчул лув цукунсса дунугу ранг дусса зад гъан даву. Мукунсса клану шюшаврийну чаклин биссавугу хисав дакъассар. Бурчуйсса задрал лув щин диян аьркинссар, муниату хъуннасса нигъ дуссар гъарца бувсса чакру къамул къавхъуну ляркъаврия. Бакрайсса клиз лахъи бавриягу турча, цайминнал клиз виламуниву хлала бувну, лахъи бан къабучиссар, цанчирча, Бухарил ва Муслимлул луттирдавусса хладисраву бувсун бур, мукун клиз лахъи байсса хъами Аллагънал ﷻ нааьналуву душиву. Мукунсса гъалатру хъаннил къабулланшиврул арампал миннал ялув бавцуну бикран аьркинссар. Аллагънал ﷻ кумаг баннав гъарца баймур Исламрайн бувну, бусурманнал лайкъну бан! Амин.

isaassalam@gmail.com

Каллиграфиялул выставка

Расул Хамзатовлул цанийсса Дагусттан Республикалул Миллатрал библиотекалулу март зурул 22-24-нний ларгунни «Исламрал тугтив» тисса ца дусса каллиграфиялул выставка.

Выставка хладур дурну дия islam.ru интернет-порталдану хларачатрайну. Мукунма, хладуршин дан кумаг бувна



«Рисалат» компаниялул, хаснува risalat.ru тисса интернет-гучандалул ва «Муртазек» тисса спортрал центрданул. Выставкалий ккаккан дирхъуну дия чъявусса аьраб-каллиграфиялул конкурсирдай ххувшавуртту ларъ-сса Мурад Мухаммадовлул ххюцлаллаксса даву. Миннувасса цаппара ришлай буру ва номерданий жула буккултралгу тамаша бан 7-мур лажиндарай.

Сочилий чак бай къатри

2014-ку шинал Сочилий бантисса олимпиадалул хладуршинналия буслай, муниха зузисса комитетрал бакчи Виталий Савиловлул баян бувунни шикку бикантйишиву гъарца диндалул агъудданун хасъсса чак бан сант дурсса къатри.

Сочилий бан тий бур динналул центрду ва гъарца центрдану бикантйий бур бусурманнан, насранинан, жугутннан ва м.ц. цалла дин дансса кланттурду. «Интерфакс» тисса информационный агентстволул бусаврин бувну, В. Савиловлул гъарца диннал вакилтурайн баян бувну бур укунсса клантту баврил проект сакин дан кумаг бувара тий.



Учредитель

Благотворительный фонд «Путь». Газета печатается по согласованию и одобрению Духовного управления мусульман Дагестана

Редакционный совет

Председатель редакционного совета муфтий РД Ахмад-хаджи АБДУЛАЕВ
заместитель муфтия РД Махди-хаджи МУТАИЛОВ

Главный редактор

Заурбек (Абдулла) ЯИКБАЕВ

Редактор

Иса ОМАРОВ

Канонический редактор

Курамухаммад МАГОМЕДОВ

Менеджер

Абдусабир АХМЕДОВ

Дизайн, вёрстка

Мухаммад МУСАЕВ

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации ПИ № ФС 77-37006 от 29 июля 2009 г.

При перепечатке ссылка обязательна. Набрано и сверстано на компьютерной базе газеты «Ассалам».

Отпечатано в ООО «Дом печати» по адресу: пр-т Акушинского, 20

Заказ №

Тираж 3250 экз.

Сдано в печать 29 марта 2012 г. в 19:00

Индекс 51388

Адрес редакции

367015, РД, г. Махачкала, ул. Аскерханова 13а. Тел.: (8722) 51-85-22.

По вопросам подписки и доставки обращаться по телефонам: 914-222, 8-988-291-42-22.

E-mail: assalamlak@mail.ru

www.assalam.ru

Жулва аьлимтал хьама къабивтссар

1 « Аьйшат Мухаммадовнал сакин бувсса лугу мийжанугу хьинну аьркинсса, кьимат бищун къашайсса ттеркьюкь хьанай бур. Мажлис бачин бувну ия Лакрал райондалул имам Давуд Тумалаев. «Хьинну ххарира ва мажлисрай диндалул агьали бакъасса, светский элмулул ишбазаранчиталгу бушиврия, цанчирча, жулва буттахьул бивкссар гьарца чулухунмай итхьявхсса, личи-личийсса элмурду кьулсса халкъ. Динналулми элмурдачал архал миннал лахьхьайсса диркссар математика, астрономия, логика ва цаймигу элмурду. Му бакъассагу гай бивкссар цлакь-чувшиву дусса арамтал. Имам Шамиллул чларав ивкссар шайх



Жамалуттин цала арсварацал архал, цайми яхI бухлавгун ливхьсса члумалгу. Миннал хларачатрайнури жулва миллат ххассал хьусса цайми миллатру бухлавгсса члумал», – увкунни Давуд-хIажинал. Хьирив махь лавхьунни Дагъусттаннал Муфтийнал кумагчи Мухаммадрасул-хIажи МахIадовлул: «Жува Аллагьнин щукру буллан аьркинссару ﷺ кьукунсса буттахьал арсру, Мухаммад Идавсил ﷺ уммат бувнутий. Цанчирча, щукру къабувсса неъмат махьунмай ласайссар. Кьура баян аьркинссару буттахьал ккаккан бувсса тIайласса диндалул ххуллийн. Тарихрал луттирду чичайсса члумалгу так ца чул



къабувгьуну, диндалулмур чIалачиннарайну чул бивщуну чичларча хьинну бикланссия» – увкунни ванал.

Шайх Жамалуттиннуясса луттирал автор Мусаев Сулайман АхIмадовичлул цалва чулуха барчаллагь увкунни Аьйшат ХIажиевахь ганил дурсса хьуннасса даврихлу. Тарихрал элмурдал доктор, ДГУлул тарихрал кафедралул деканнал хьиривчу АхIмад Кьурбановлул хьуннасса кьимат бивщунни Аьйшат ХIажиевал дурсса даврин: «ХIакьину укунсса хьиривлявуртту



хьинну аьркинну дур. Ваниннин щилчIав укунсса хьуннасса, лакрал аьлимтурая бусласисса хьиривляву дурсса ххай акъара», – увкунни ванал. Хьирив махь лавхьунни МахIачкьалаливсса Сайфуллагь-къадинал цIанийсса мизитрал имам Саламов Мухаммадлул: «Хьинну ххарира бьхттулсса аьлимтурая бусласисса мажлисрай гьуртту хьун. Лакрал аьлимтурал чивчусса луттирду цIанагу шалвагу Ккавказнал мадрасарттаву ишла буллау буссар. Хаснува, Гьумучиял Хьун Аьлил чивчусса «Мухтасар» къабувккунсса цаягу аьлимчув, мутааьлим акъассар Дагъусттаннай, Чачаннаву ва Ингушнав. Хьун Аьлил зияратгу бивкун бур Гьумук. Зиярат бивкссса кIанай Совет хIукуматрал заманнай ферма дурну, гьаттай бивкссса чару чIира бан ишла бувну бивкун бур. ХьхьичIава заманнай аьрапалул, бусур

ман-байраннал кьинирадай Гьумучиял агьали Хьун Аьлил зияратрайн лавгун дуаь дайсса диркун дур. Жуна цIанагу му аьлимчув хьама къабивтссар, мунал зияратгу цIу буккан бансса ниятту дуссар», – увкунни Мухаммад-хIажинал.

Щала дунияллийх цIа дурксса, машгьурсса аьлимчув Мухаммад Убринал наслулиясса профессор, Дагъусттаннал медакадемиялул кафедралул каялувшиву дуллалисса ХIусейнов ХIусейннул бувсунни лу чичаву, инсаннал биография сакин баву хьинну захIматсса даву душиву. «Аьйшат Мухаммадовнал чивчусса лу лакрал цIа дурксса агьалиная бусласисса хьхьичIунсса луттирдавацца цари», – увкунни ХIусейн Камаловичлул. ХIукуматрал идаратгал чулуха мажлисрай махьру лавхьунни Цуссалакрал райондалул бакIчинал хьиривчу Буттаев Аьбдурашидул ва Хасавюрт шагьрулул администрациялул бакIчинал хьиривчу Мяндиев Мухаммадлул.



Ккулал райондалул имам Кьурбанов Сиражугтиннул вягза бия хас бувну буттахьал ккаккан бувсса тIайласса диндалул ххуллу бувгьуну бачаврин ва Идавсил ﷺ наслулиясса аьлимтал ва шайхтал ххирану биклан аьркиншиврун. «Жула Мухаммад Идавсил ﷺ увкуссар: «Кьурьандалул ва ттул агьулданул ххуллу бутгьияра!» – куну. Аллагьу Тааьланалгу Кьурьандалува «Аль-АхIзаб» тIисса суралуву бувсун бур Идавсил ﷺ агьлу марцIсса халкъ бушиву. Мунин бувну, жунма Идавсия ﷺ насаб нанисса аьлимтал ххирану биклан аьркинссар, хаснува шайх Жамалуттин ﷺ ва Сайфуллагь-къади ﷺ», – увкунни имамнал. Конференциялул ахирданий махь лавхьунни луттирал автор Аьйшат ХIажиевал: «На барчаллагь учин чай бура ттунма ва лу сакин бан кумаг бувминахь. Аьлимтурая кIул буллау на щичIан гьан хьурчагу, циняв бикIайва ттун кумаг бан хIадурну, зунтавусса шархьаву бикIу, личи-личийсса идараттай бикIу. Хьуннасса барчаллагь Диндалул Идаралул, Лакрал радиолул зузалтран, Теологиялул институтрал студентьтуран ва цинявгу чларав бавцIуминнан» – увкунни Аьйшат Мухаммадовнал. Аллагьнал ва лу мюнпатсса элмуну хьун баннав! Амин.

Гьази-Гьумучиял мадраса

Жунма кIулли Дагъусттаннай, хаснува лакараву мудангу элмулул кьимат хьинну лавайну бивкIшиву. Жулва миллатраву гьарца чIумал бивкIссар цIа дурксса аьлимтал.

макъала: Аьли АхIмадов

Гьарца шархьаву бивкIссар мадрасарду. Гьумуксса мадрасагу бивкIссар Дагъусттаннайсса мадрасарттаву яла хьхьичIунминнувах. Гьазаватиртгал чIумалгума шикку дарсру дихьлай бивкIссар. Так совет хIукуматрал чIумал мадраса лавкьуссар, ва мутааьлимтурахь дарсру дишаву най диркIссар кьюлтIну, аьлимтурачIа шаппа.

ХIакьину жунма хьинну ххарисса иш бур жулва буттахьал заманнай кунма мизитру, мадрасартту буллау, дин гьаз хьанай душиву. Вана Гьумуксса



Ханнал мизитрал чларавсса мадрасагу бакьин бувну, зузи бувну бур. Шикку дарс дихьлахьисса БахIарчиев Нурмухаммадлул тIимунин бувну, элму лахьхьин ччиманан шикку гьарзад хIадурну дур. Бур дарс дихьлансса муаьллимтал, ялапар хьунса кIану, украсса дукра, дяркьусса ва кIирисса щин. КутIану учин, дуклан увкIсса инсан ссалчIав пикри къабувну, так дуккавриха зунсса сант дурну дур. Дуккаву кьуртал дурми гьан бан тIий бур Лакрал, Ккулал ва Цуссалакрал райондайса шархьавун имамталну. Диндалул элму лахьхьаву бакъасса, мадрасалуву хьуннасса кьулагьас дуллау бур ватандалул тарих лахьхьаврихгу. Цанчирча, мадраса бур лакрал виричу Хан-Мургузали зияратрал чларав. Умуд бур ва мадрасалувагу букканссар хьунисса аьлимтал, миллатраву дин цIу лаганссар, жуйнма цинявнайн барачат ликканссар, тIисса. Амин.

БивкӀу — оьрмулул дайдижъу . . .

БивкӀулия ихтилат баву, дакӀнин бутаву чӀявуминнан къаххирасар, бусурманчувнан къабучӀиссар бивкӀулия къюкӀну икӀан?

МухӀаммад Идавсил ﷺ увкуссар: «ЧӀявуну бивкӀу дакӀнин бутлатияра», – куну. Ялагу увкуну бур: «Бунагъру чӀяву хъувкун, бивкӀу дакӀнин бутларча, мий бунагъру чан хъунтӀиссар» – куну. Мийжаннугу, гъарца инсаннан дакӀний диркӀссания цала дунияллийсса махъра-махъсса ссят, мунал бунагъру чанну буллан хӀарачат банссия.

макъала: Гъарун Валиев

Къуръандалувугу увкуну бур (мяна): «Зу бивкӀулия лихъан ччай буру, амма чара бакъа зу мунишал хъуна бакъинтӀиссару!» – куну. Цамур аятраву увкуну бур (мяна): «Гъарцаннал бивкӀу къухӀинтӀиссар», – куну. Циванни жунма бивкӀулия гъалгъа тӀун, бивкӀу дакӀнин бутан къаччисса? Цанчирча, чӀявуминнан ххан бикӀай инсан ивкӀукун, ганал оьрму къуртал шайсса. ХӀакъинусса къини мукунсса пикри бушиврул савав хъанахъиссар 70-лла шинай диндакъ-ултрал дуллай бивкӀсса пропагандалул ва Европанал хӀукуматирттава жучӀанна нанисса идеологиялул хӀасил. Амма, мийжаннугу, инсан ивкӀуну дунияллий лагаврийну мунал оьрму къуртал къашайссар. Аллагъу Таабланал гъарца инсаннал оьрму ххюва бутӀуйх бавчӀуну бур: цалчинмур – инсан ляхъаннин ганал рухӀирал бутлатисса оьрму; кӀилчинмур – ниттил лякълувусса оьрму; шамулчинмур – ва дунияллийсса оьрму; мукъилчинмур – Барзахравусса оьрму; ххюлчинмургу – Къиямасса къинилия махъ алжаннаву ягу дуржагъравусса оьрму. Гъарца хъиривмур оьрму хъхъичӀмунияр хъхъичӀунмайсса, камилссар. Масала,



ниттил лякълувусса оьрмунияр дунияллийсса оьрму камилссар. Цанасса медициналул элмулулгу тасттикъ бивну бур инсан чурххая ва рухӀирая сакин хъуну ушиву. Барзахрал оьрмулувун увххукун, инсаннал рухӀ тархъан шайссар, чурххаву диркӀсса чӀумалсса пардаврдугу тӀитӀайссар. Ва дунияллийсса рухӀ чурххал биялалуву духъурча, Барзахраву чурх бикӀайссар рухӀирал биялалуву. Барзахравусса чӀумал рухӀ чурххая личӀину дунугу, мунишал дархӀуну дуссар, баргъ ва аьрщи кунна – аьрщи бургъия архну дунугу, ганил лагма гъанайгъисса кунна. Мува куцдуй рухӀиралгу дикӀайссар чурхашалсса дахӀлаву, чурх ци тагъарданий бухъурчагу: ппив-ххив хъуну бунугу, аьвну бунугу, шаллуну бунугу. Барзахравусса рухӀгу ягу неъматраву ягу аькъубалуву дикӀантӀиссар Къиямасса къини дучӀаннин.

Къуръандалуву «Ясин» тӀисса суралуву бивсун бур ца инсаннал рухӀирахъ Аллагънал ﷻ учинтӀишиву алжаннавун духху, куну. Ганалу Барзахраву унува учинтӀиссар: «ТӀул агълу-кулпатран

кӀулссания Аллагънал ﷻ на багъиш-лагу ивгун хъун увсса куц» – куну. Ва бакъассагу, цаймигу чӀявусса аятирт-таву бивсун буссар рухӀ чурххавату дуркӀукун Барзахраву неъматрай ягу аьзаврай дикӀайшиву. Му Барзахравусса оьрмулул архитекторгу цува инсанни: дунияллийсса оьрмулуву хъин-балартту, ххуйсса аьмаллу буллай, Аллагънайн ﷻ мютӀину, бунагъиртта пашманну ивкӀхурча, Барзахравунгу уххантӀиссар цала шавай куна, рахӀатну, паракъатну. Хадисравугу увкуну бур: «Аллагънацал I хъуна акъин ччима кӀулну икӀуча, Аллагъгу I цацала хъуна акъин ччай ушиву, Аллагънацал I хъунаакъин къаччима кӀулну икӀуча, Аллагъгу I мунацал хъуна акъин ччай акъашиву» – куну. Мунин бивну, Аллагънацал ﷻ хъуна акъин ччима Барзахраву ва ахиратлувусса оьрмулин хӀадур хъанантӀиссар, цанчирча, МухӀаммад Идавсил ﷺ увкуссар: «Ва дунияллий унува ахиратлул оьрмулин хӀадур хъанай ивкӀманыхъ рухӀ ласайсса чӀумал ххаришиву бусайссар», – куну.

Махъ учин анавар мауккара!

Буссар МухӀаммад Идавсил ﷺ хӀадис «Элму лахъхъаву гъарца бусурманчувнал буржри» тӀисса. Ца мукунсса бурж – жунма кӀулну бикӀан аьркинссар инсан Ислам-рава ссал уккан айссарив, бусурманчувная муртад, чапурчув ссайну шайссарив.

макъала: Аьбдулмалик ХӀамзатов

Муртад тӀисса мукъул мягнагу – диндалува увкма тӀиссар. Муртадшиву дикӀайссар дакӀ дацӀаврийну (убеждение), аьмалданийну, ва мукъуйну. Мунин бивну бусурманчув диндалува уккан айсса тӀул даврия, махъ учаврия, пикри баврия цала цува урувчуну икӀан аьркинссар, цала дакӀнивусса иман дакъа ливчӀун, Къиямасса къини Аллагънан ﷻ къаххираминнавух къаличӀаншиврул. Цалчинмур жура ласурча, инсан дакӀ дарцӀуну ухъурча циняв бусурманнай ялувмур – чак баву, зума дугъаву, хӀажлив гъаву, закат буккаву къааьркиншиву, ягу хӀан хӀачӀан, процент ялувну арцу дулун ягу ласун, зуна бан, бучӀиссар тӀий ухъурча, ягу Къуръандалуву чивчумур къатӀайлассар, Къуръан АллагънайтӀисса ﷻ бакъар тӀий ухъурча, му инсан муртад, чапурчув шайссар.

КӀилчинмур жура ласурча, инсаннал Къуръан марцӀ бакъасса кӀанайн бутарча, къанчурдин сужда барча, бусурманнал дакъасса диндалул аьдатру дарча ва м. ц. тӀуллайнугу бусурманчув чапур хъун бюхъайссар. Шамулчинмур жура тӀурча, му хъанахъиссар Аллагъная ﷻ, идавстурая, Исламрал диндалия, Къуръандалия ххуй бакъасса махъ учаву. Масала, Ислам цанасса заманнаву махъун дагъсса динни учирча, ягу карщи дутаву, хӀижаб лаххаву хъхъичӀа-заманнул аьдистри учирча. Мукунма, дин, цания ца идавс, Аллагъ ﷻ къякълухун бихълахъисса махъру увкумагу чапур шайссар. Вай ялув кӀицӀ лавгсса иширттавун агъсса бусурманчувнал цалчин анаварну тавба дурну шагъадат дутан аьркинссар «Ашгъаду алля илягъа илляЛлагъ ва ашгъаду анна МухӀаммада-р-расулуллагъ», куну. Яла цалва увкусса мукъурттия, дурсса тӀулдания пашман хъун аьркинссар. БучӀиссар аьмну «на пашман хъура нава диндалува уккан айсса махъру учаврия ва тӀуллу даврия», – учингу. Мукун тавба дурсса инсан бусурманчув акъар учингу щихъчӀав ихтияр дакъассар. Му бакъассагу, щийн-бунугу чапурчув учин анавар уккан къабучӀиссар, му хъинну нигъачӀийсса задри. ХӀадисраву увкуну буссар: «Бусурманчувнайн чапурчув увкума цува чапур шайссар», – куну. Цамур хӀадисраву увкуну бур: «Цаннал гаманайн чапурчув учирча, гайннавасса ца мийжаннугу чапурчуври» – куну. Аллагънал ﷻ жунма кумаг баннав Исламрава буккан байсса махъ учаврия, тӀул даврия бурувчуну бикӀан! Амин.

ГъукӀратусса Къурбан-апанни

1 « Аьбдуссамад дуккавугу къуртал дурну хъунмасса къуллугърай зий ивкӀун ур. Ца хъхъуну ссят 3-4 хъусса чӀумал Аьбдуссамад шания ивзун цайва цува акъа чак бивну, Къуран ккалан ивкӀун ур хъунмасса хӀаллай. Чурххая хӀал лавсун гъанми нигъа бусан бивну бур. Цайна цува учӀайхту, Аьбдуссамадлун дакӀнин багъну бур Къурбан-апаннинал цахъва увкусса махъру: «ТачӀав макъабитара чак буллалаву ва буклакисса Къуръан», – тӀисса. Га лавгун ур Къурбан-апанниначӀан багъишла ити учин, гания мукъах Аьбдуссамад цала оьрмулуву авчун ур буллай къабивтесса чакру ва Къуръангу ккалай. Къурбан-апаннинал цацава шайссаксса къюлтӀ дайсса диркӀун дур цала карама-тру. Гъарца мудар, 20 шинал мутталий, га цала халват къатлувунгу увххун ххуйсса такъвалий чӀявуну дакӀних Къуран ккалай, зикри бивну икӀайсса ивкӀун ур. ГаначӀан хъамалу бучӀайсса бивкӀун бур чӀявусса диндалул уссурвал ва ссурвал. Халкъуннал бусласаврин бивну Къурбан-апанни мудар чаклийн ивссунасса, марцӀсса, уздансса адимина ивкӀун ур. Цивппа халкъу ганачӀан нанисса чӀумал щинавун бивчӀуну, марцӀну лагайсса бивкӀун бур.



Къурбан-апаннинал цува къашавайсса чӀумал гъанминнахъ аманат бивну бур: «Тгух кӀялабарзгу мабишину, хӀатталлил зуманив нагу личӀину уччара», – куну. Къурбан накълу хъуну ур 1970 шинал октябрь зуруй оьрмулул 100 шинаву. Увччунугу ур цалва ув-

кусса кӀанай, кӀялазурун кӀанайгу бивхъуну бур чару. Аллагънал ﷻ ганал барачат жуйнма цинявннайн биян баннав. Амин!

Аьйшат ХӀажиевал «Лакрал щайхтал, аьлимтал, валитал» тӀисса луттирава

Чаклил хъирив дайсса азкарду

Фаризасса чаклил хъирив азкарду, дуаьртту дуккаву хъинссар, суннатссар, къадукирчагу бунагь бакъанугу. Азкарду цаманан къабаянну, лагъну вихъра инара дуккавугу хъинссар. Так имамнал бюхттулну дуккинссар махъминнангу лахъхъиншиврул. Имамнан суннатссар азкарду ккалаккисса чумал урчамур хъачи жамятрал чулухунну щяиклаву. Чаклил хъирив дуаь-зикри лахъину даву хъинссар. Так имамнан хъиннура лахъи даву къахъинссар, чаклин бувкминнан бизар къахъананшиврул.

Чаклил хъирив дайсса азкардал чирлилу хадисирттавугу бувсун бур. Идавсил увкуссар: «Чаклил хъирив 33-ва субхлаллагь, 33-ва альхамдулиллагь, 33-ва Аллагь акбар увкуну, хъирив «Ля илягьа илля Лагьу вахдагьу ля шарика лягьу, лягьул мульку ва лягьул хламду ва гьува аьля кулли шайгьин къадир» увкуманал бунагьру шюшайсар хъхъиривусса хъама кунма чявусса бухъурчагу». (Тирмизи). Цамур хадисраву увкуну бур: «Гьарца фаризасса чаклил хъирив «аятуль-курсий» («Аллагьу ла илагьа иллагьу...») дуккайманахун алжаннавун уххан дахчинсса цичав дакъассар», – куну. Ца чумал Идавсихъ цуьвухуну бивкссар къамулсса дуаь цумурди, куну. «Хъхъуниву дурсса дуаь ва чаклил хъирив дурмурди» – куссар Расулуллагьнал.

Чаклил хъирив дуккайсса азкардугу вайри:

اللَّهُ أَكْبَرُ وَ اللَّهُ أَحْمَدُ
«Аллагьу акбар ва либлягьиль-хламд»

أَسْتَغْفِرُ اللَّهَ
«Астагьфируллагь» – 3-ва.
«Астагьфируллагь» тисса чумал урчамур ка ненттабакрайх дуккаву хъинссар.

أَسْتَغْفِرُ اللَّهَ الْعَظِيمَ الَّذِي لَا إِلَهَ إِلَّا هُوَ الْحَيُّ الْقَيُّومُ وَأَتُوبُ إِلَيْهِ
«Астагьфируллагьаль-аъзималлязи ля илягьа илля гьуваль-хаййяль-къайюма ва атубу иляйгьи» – 3-ва.

اللَّهُمَّ أَنْتَ السَّلَامُ وَمِنْكَ السَّلَامُ تَبَارَكْتَ وَتَعَالَيْتَ يَا ذَا الْجَلَالِ وَالْإِكْرَامِ

Аллагьумма анта-ссалямү ва минка-ссалямү табаракта ва тааьляйта, я заль-жаляли валь-икрам».

اللَّهُمَّ آعِنِّي عَلَى دَوَامِ ذِكْرِكَ وَشُكْرِكَ وَحُسْنِ عِبَادَتِكَ

«Аллагьумма аэинни аьля давами зикрика ва шукрика ва хусни эбадатик».

لَا إِلَهَ إِلَّا اللَّهُ وَحْدَهُ لَا شَرِيكَ لَهُ . لَهُ الْمُلْكُ وَلَهُ الْحَمْدُ وَهُوَ عَلَى كُلِّ شَيْءٍ قَدِيرٌ

«Ля илягьа илляЛлагьу вахдагьу ля шарика лягьу, лягьул-мульку ва лягьул-хламду ва гьува аьля кулли шайгьин къадир».

Кюрххил чаклил ва марклачан чаклил хъирив ва дуаь 10-лла дуккайссар «юхйи ва юмиту»

يُحْيِي وَيُمِيتُ
Тисса махъругу ххи бувну, яни: «Ля илягьа илляЛлагьу вахдагьу ля шарика лягьу, лягьул-мульку ва лягьул-хламду юхйи ва юмиту ва гьува аьля кулли шайгьин къадир», – куну:



اللَّهُمَّ لَا مَانِعَ لِمَا أَعْطَيْتَ وَلَا مُعْطِيَ لِمَا مَنَعْتَ وَلَا رَادَّ لِمَا قَضَيْتَ وَلَا يَنْفَعُ ذَا الْجَدِّ مِنْكَ الْجَدُّ لَا حَوْلَ وَلَا قُوَّةَ إِلَّا بِاللَّهِ

«Аллагьумма ля маниаь лима аьтгайта ва ля муьтия лима манаьта, ва ля радда лима къазайта, ва ля янфаоь заль-жадди минкаль-жадду ля хлавя ва ля къуввата илля биллягь».

Сура «Аль-Фатиха» (АльхИам):

بِسْمِ اللَّهِ الرَّحْمَنِ الرَّحِيمِ
الْحَمْدُ لِلَّهِ رَبِّ الْعَالَمِينَ
الرَّحْمَنِ الرَّحِيمِ
مَلِكِ يَوْمِ الدِّينِ
إِيَّاكَ نَعْبُدُ وَإِيَّاكَ نَسْتَعِينُ
اهْدِنَا الصِّرَاطَ الْمُسْتَقِيمَ
صِرَاطَ الَّذِينَ أَنْعَمْتَ عَلَيْهِمْ
غَيْرِ الْمَغْضُوبِ عَلَيْهِمْ وَلَا الضَّالِّينَ
«Аллагьу ля илягьа илля гьува»:
اللَّهُ لَا إِلَهَ إِلَّا هُوَ الْحَيُّ الْقَيُّومُ لَا تَأْخُذُهُ سِنَّةٌ وَلَا نَوْمٌ لَهُ مَا فِي السَّمَاوَاتِ وَمَا فِي الْأَرْضِ مَنْ ذَا الَّذِي يَشْفَعُ عِنْدَهُ إِلَّا بِإِذْنِهِ يَعْلَمُ مَا بَيْنَ أَيْدِيهِمْ وَمَا خَلْفَهُمْ وَلَا يُحِيطُونَ بِشَيْءٍ مِنْ عِلْمِهِ إِلَّا بِمَا

شَاءَ وَسِعَ كُرْسِيُّهُ السَّمَاوَاتِ وَالْأَرْضَ وَلَا يَئُودُهُ حِفْظُهُمَا وَهُوَ الْعَلِيُّ الْعَظِيمُ
Сура «Аль-Ихляс» (Кьулгьу) – 3-ва:

بِسْمِ اللَّهِ الرَّحْمَنِ الرَّحِيمِ
قُلْ هُوَ اللَّهُ أَحَدٌ
اللَّهُ الصَّمَدُ
لَمْ يَلِدْ وَلَمْ يُولَدْ
لَهُ كُفُوًا أَحَدٌ
Сура «Аль-Фалякь»:

بِسْمِ اللَّهِ الرَّحْمَنِ الرَّحِيمِ
قُلْ أَعُوذُ بِرَبِّ الْفَلَقِ
مِنْ شَرِّ مَا خَلَقَ
وَمِنْ شَرِّ غَاسِقٍ إِذَا وَقَبَ
وَمِنْ شَرِّ النَّفَّاثَاتِ فِي الْعُقَدِ
وَمِنْ شَرِّ حَاسِدٍ إِذَا حَسَدَ
Сура «Ан-Нас»:

بِسْمِ اللَّهِ الرَّحْمَنِ الرَّحِيمِ
قُلْ أَعُوذُ بِرَبِّ النَّاسِ
إِلَهِ النَّاسِ
مِنْ شَرِّ الْوَسْوَاسِ الْخَنَّاسِ
الَّذِي يُوَسْوِسُ فِي صُدُورِ النَّاسِ
مِنَ الْجِنَّةِ وَالنَّاسِ
33-ва учайссар:

سُبْحَانَ اللَّهِ
الْحَمْدُ لِلَّهِ
«Субхлаллагь»
«АльхИамду лиллягь»

اللَّهُ أَكْبَرُ
«Аллагьу акбар»
لَا إِلَهَ إِلَّا اللَّهُ وَحْدَهُ لَا شَرِيكَ لَهُ . لَهُ الْمُلْكُ وَلَهُ الْحَمْدُ وَهُوَ عَلَى كُلِّ شَيْءٍ قَدِيرٌ

«Ля илягьа илляЛлагьу вахдагьу ля шарика лягьу, лягьул-мулька ва лягьул-хламду ва гьува аьля кулли шайгьин къадир».

رب اغفر لي ولوالدي ولمن له حق علي

«Рабби-гьфирли ва ливалидайга ва лиман лагьу хлакьун аьлайга». 5-ва

لَا إِلَهَ إِلَّا اللَّهُ
«Ля илягьа илляЛлагьу» 10-ва

اللَّهُمَّ صَلِّ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ وَسَلَّمَ

Аллагьумма салли аьля саййидина МухИаммадин ва аьля али саййидина МухИаммадин ва-саллим» 10-ва.

«Аллагьумма салли ва саллим ва барик аьля саййидина МухИаммадинил фатихИ лима угъликьа валь хатими лима сабакь насириль хлакьи билъ хлакьи валь гьади иля сиратИкаль мустакъим, салла Ллагьу аьлайгьи ва аьля алигьи ва асхлалбигьи хлакьа къадригьи ва микъдаригьиль аьзим».

Азкарду дурккуну махъ дуаь дайссар, Аллагьнахъ вила дакнин ччисса зад чла учайсар, чакру, цайми эбадатру къамул даннав, Аллагьнал цйми бишиннав, циняв бусурманнал – уттаваминнал ва ливтуминнал – бунагьру шюшиннав, ахир хайр даннав, куну дуаь дайссар.

Хадур бувссар Камал Сагидовул.

БивкIулул цIакъшиву

Дуньяллул гьалмахчу хъура Гьавалул хъирив авчура, Амру-нагью эьки личав Аман бивкIулул цIакъшиву.

Аьсивну чIунну ларгунни Зулмулий оьрму лавгунни, Эбадат-дин дан къархунни, Аман бивкIулул цIакъшиву.

Аллагьнайн I мютIий къавхъура, Пааьтрай аьдат къавхъура, Заннаяту I нач къархунни, Аман бивкIулул цIакъшиву.

Дуниал ххуйну ккарккунни, Ахират хъама риртунни Тавба-тавпикъ гьапул хъунни Аман бивкIулул цIакъшиву.

Амрулий ттул яхI къавхъунни, Нагьюлий гьалатI дагьунни, Пакьирнал хьул лахъи хъунни Аман бивкIулул цIакъшиву.

Аллагьнал I дин эьки личав, ХIабибнал е суннат къабитав, Мунал дакI на къума дував Аман бивкIулул цIакъшиву.

КьурчIал хавар ххуй бивзунни, НахIу зикри кьурчIи хъунни, Гьар оьккимур нахIу хъунни, Аман бивкIулул цIакъшиву.

Аллагьнал I элму цIакъ хъунни Элмулул хъаврин увунна, Аьзав ттун хъама диртунни, Аман бивкIулул цIакъшиву.

Бувса аьмал ттун лавкьунни, Къабувмуний паиман хъунна, Тавбалия гьапул хъунна Аман бивкIулул цIакъшиву.

ХIакьмур бурхIал махъун бугьав, БатIулмур на канил бугьав, Иблисрал хъирив авчура Аман бивкIулул цIакъшиву.

Эсьяндалул дакI дурицуна, Аьдада оьрму лавгуна, Чурх ва щяйтIан рязи хъуна, Аман бивкIулул цIакъшиву.

БивкIу ттун хъама бивтуна, Дуньяллул хьул лахъи хъуна, Чурххал макру ттун бувунни, Аман бивкIулул цIакъшиву.



Ттул бунагьру чIяву хъунни, Асаратру гьарза хъунни, Тавба дуван кIул къавхъунни, Аман бивкIулул цIакъшиву.

Оьминнуй на буртти ивкIра, Бунагьирттай даим хъура, Гьавалул хъирив авчура, Аман бивкIулул цIакъшиву.

Къахъунссар тIимур ттун хъунни, КьубучIантIимур бувкIунни, ЧIявусса задру ливчIунни, Аман бивкIулул цIакъшиву.

Дуньяллул иш гьарза хъунни, БивкIу-гьав хъама диртунни, Ахират тIалав къархунни, Аман бивкIулул цIакъшиву.

Бувкку гьантри бухлавзукун, БивкIу бувкIун къашай хъувкун, Гьанцири лагма аьтIикун, Аман бивкIулул цIакъшиву.

Агьлу-куллат агьи тIийкун, Гьанми вев-шев тIий аьтIийкун, РухIрал хъинну икIу кувкун, Аман бивкIулул цIакъшиву.

РухI дурккун яру лавкьукун, Чурххал базурду зивзукун, Дяркьусса щинай ивсукун, Аман бивкIулул цIакъшиву.

ОьрчIру буттай тIий гьуя тIий, Щарсса ласру тIий гьарай тIий, ХIатталливай ачин увкун, Аман бивкIулул цIакъшиву.

Хатталах къулагъас дувара!

Хатталлу – жува циняв Къиямасса къини дучаннин яхъанансса шагъ-рурдурди. Амма цуманал муниннин тикку цанма къатта хладур бувсса. Чартту... гъаттардил ялувсса чартту. Чарах дурккун нанисса чумул маз къакълусса бардулт. Мий бур личи-личисса: хъунисса, мюрщисса, къянкъасса, кълудусса, ххирасса, къювкъусса. Амма жува шийва бунува тиву къатта хладур къабарча, ми чарттаету пайда бакъар.

макъала: Хусман Хажимухаммадов

Гъарца жуна гъансса, маччасса, кълусса, дус, члаххучу жуятува личий хъувкун, жува цинявша буккару му тлайла уккан махъва-махъсса ххуллиин. Жува тлурча, пикри буллай бакъару, хлакьину ва лавгъурча, гъунтти навагу укуна ачин бюхъайха тий. Хатталлил чарах найни чявумур чумал жунма дакнингума къабагъай ливтуминнахъхун ссаламгу буллуну гайннаха дуаь дан, пикри бакъа чарах лагару. Хатталлаха къуллугъ баврия гъалгъавагу тий акъара. Хлакьинусса къини хъинну чансса дур марцину, лагмара цакъсса чапаргу дурну ядуллалисса хатталу. Хъхъичлава, жулва буттал-буттахъал цимурцанияр хъхъич хатталлу ядайсса диркун дур. Му чалай бур та чумал бувсса чиртгал сагъну ливчисса касакирттайну, цукун цакъсса чиртту бивкун бури ххал бара. Цана тлурча, цаппара шяраваллаву хатталлив яту-гъаттара бакълайсса клантурдугума бур. Къязурдардицун тгукри бавхуну биклай, гивун бувхмугума лихъан бансса кланттай. Мийгу жула буттал-буттахъал гъаврдурди. Амма



Ва куцуй урттукъхъун ларгун дур цаппара Лаккуйсса шярхъавусса хатталлу

вамур чулуха жува буссару сада-къартту буллай, зумаритавал, аьрапалул къинирдай хатталлив занай, чаравсса гъаттардил ялув канакисса ятту-гъаттарахгу хъис къулагъас къадурну. Ца-цавайналгу цала-цала гъан-маччаминнал гъаттардил лагма чапарду дай, мугу къахинссар, ивкълуманан муняту ххишаласса аьзав-аькъуба диклайссар. Ялагу укунсса клантурду хисав шай, бигъалаган, гъавалийн бувккун, хатталлил чарав шябивкун компаниярду дуллалисса. Ми мукунсса тяхъашивурттугу, укуннагу хларам дурсса хлан дакъа хъинну чансса лагай. Му бувагу къабучисса хатталлу


къюкьин дуллалисса, мурдал дуллалисса, диндалул, Исламрал чулухуннайгу хъинну адав дакъасса къел хъанахъиссар. Мукунсса клантурду итабакъавриятугу мугъаятну бикляра! Ва кказит къабияйсса шяравалу дакъассар. Гъарцама бургияра цала-цала хатталлу ци тагъарданий дурив. Хатталлу мизитгу хъанахъиссар бусурман яхъанахъисса шяравалил лажин – ми цукунса тагъарданий дурив, жамяту мукунмассар. Аллагънал жухъхъунма тавфикъ булуннав бивкълугу дакнийну, бан ккаккан бувмургу бувну, тлайласса Исламрал ххуллу бувгъуну бачин.

Бучиссарив къалиян учин?

Аькълу бусса инсаннан бувчин къабувнува чалай бур къалиян учаву хларамсса зад бушиву, цанчирча, мунил инсаннал динналун, кулпатран ва цуллу-сагъшиврун зарал биян буллай бунутий. Му чалачисса зад бур.

макъала: Аьли Мурадov

Къуръандалува Аьллагъу Тааьла чявусса кланттай жунма лахъхъин буллай ур, нитти-буттал цалва оьрчлан лахъхъин байсса кунма, жулва чурххан, кулпатран ягу лагма-ялттуминнан зарал биян баймур, марци дакъамур, мюнпат биян къабаймур хларамсса душиву. Инсаннан хайр биян баймурдив – хлалалссар. Аллагъ тий ур: «Зулва зува литун мабулларди!». Инсанаща дукра къаканай яхъун къабюхъайссар, амма чири мунан хъунтисса къалиян учаву къадитарча? Аллагъу Тааьлал илан сала цува ивчлан улланшиврул ляхъан увсарив? Къалиян учавриясса заралунния тлурча, хъхъичлава



хъхъич мунил бусурман-чувнан Аллагъ хъама итан уллалиссар. Къалиян учайманан эбадат дан захматссар. Мукунманан салихисса, ххуйсса инсантуравух иклан захматссар, паракъатну къалиян учин, бюхъайминнавух иклан хларачат буллан иклайссар, ва мунал дусталнугу

биклантиссар цува кунмасса къалиян учин ххирами. Танмакулул чурххал цуллу-сагъшиврунгу хъунмасса зарал биян буллалиссар: чурххал гуж-къувват чан шайссар, яруннин чани чан шайссар, къюкьин зарал байссар, хъугъу буккан байссар. Ракрал цуцлавуртту хъун дан

бюхъайссар. Духтуртурал тиймунин бувнугу жунма кълли танмакулул цуксса зарал буссарив. Къалиян учаврил инсаннал хъуслингу зарал биян буллалиссар, га мискиншиврун кълнкул улай. Идавстураву, имамтуруаву, шайхтуруаву ва аьлимтуруаву акъассар цаягу къалиян учайсса ягу учин ихтияр дуллусса. Шариатрайн бувну къалиян учаву карагъатссар (къахъинссар) учирчагума, жунма кълну биклан аьркинссар шанма карагъатмур барча му ца чивисса бунагърайн кълра баяйшиву, шанма чиви бунагъгу ца хъун бунагъран ккалли шайшиву. Тти пикри буvara къалиян учайманал къинилун цими бунагъ буллай урив, ахирданийгу оьрмулухун тий ивкманал къинттулул цими хъун бунахъ биклан тий бурив Иблислул кълшин бувсса кланайри танмаку ххяхъсса. Исламравугу мунир зарал бусса бидъа бакъассар! Аллагънал кумаг баннав му ххуй дакъасса хасият думанан му къадитан.

Лакъхъияра Къуръан буккин!

Ттул пикрилий Къуръан буккаву Мухаммад Идавсил суннат бушиву къакълусса цуцлав акъахъунссар. Мунияту гъарца бусурманчувнан аьраб мазрай Къуръан буккин лакъхъин хларачат буллан аьркинссар. Расулудлагънал увкуссар: «Зувату яла ххуйма – Къуръан буккину лавхъуну, цаманангу лакъхъин бувмари», – куну. (Сахих Аль-Бухари, 4639). Ва хладисрайн бувну, Аллагънал хъхъич яла лавайману, хъинману иклан ччиманан чара бакъа Къуръан буккин лакъхъин аьркинни.

макъала: Мухаммадамин Мухаммадрасулов

Жулва инсантал, хаснува хъунив хъуми, чявуну тун биклай «на му оьрмулува увкунна», «чун дакъар», «тун чивину унува нитти-буттал лакъхъин къабувна», «нач хъанай дур» тий... вай гъарзад укунмасса учаймахъру бушиву чалай бур, цанчирча, Идавсил увкуссар: «Зу элму-кълушилуцан кълнкул тлуту чиви оьрчлал кланттуя байбивхъуну гъаттаву бухханнин». Къуръан буккавил ххирашивруа чявусса хладисирттаву бувсун буссар: «Къуръан буккин лакъхъияра, цанчирча, Къиямасса Къини Къуръандалу шафаьт буллантиссар цуппа бувккунуха». Цамур хладисраву увкуну бур: «Къия инсаннаха дак мяшну иклан бучиссар – Къуръангу лавхъхъуну дяхтта ва хъхъувай га буклакманнаха ва хъхъувай ва дяхтта Аллагънал ххулли хъус харж дуллалисса аваданчувнаха». Ялагу увкун бур: «Къуръан кълма уссар малаиктурацал ца щуттаву. Захматну бунува хларачат буллай Къуръан буккин лакъхъимананни килийнусса чири буссар». Аьбуллагъ ибну Масъобдул бувсъсса хладисраву увкуну бур: «Аллагънал луттирава ца хлар дурккунманан ца хъиншиву чичайссар, гъарца хъиншивруху ацлийнусса чири биклантиссар». Му бакъассагу, аьраб мазрай Къуръан буккин кълусса бусурманчувнаша хъунтиссар тлайлану дуаьртту, азкарду, тасбихру дуккин цала Мухаммад идавсил дуклай ивксса куцуй. Ххирасса уссурвал ва ссурвал! Гъинттул чумал жунма хларачат бан аьркинни жулва оьрчру къинибархан кичиртту батлай занай къабувну, мизитирттаву, мадрасардавун иман-ислам лакъхъин, Къуръан буккин лакъхъин тлайла буккан. Цалва оьрчру дин лакъхъин гъан бувсса нину-ппу мунину цанна Къиямасса Къинилинсса чири хладур буллалиссар. Оьрчру гъан баву бакъассагу, нитти-буттан цивпагу Исламрал дин лакъхъин гъан бучир, нач къадурну, Аллагъ цаятува рязину икланшиврул. Аллагънал кумаг баннав!


«Исламрал тIутIив»



Ва суратрай чивчуну бур ниттил лякълувусса оърчIая бусласисса Къуръандалул аятру



Ва дунияллий сапарданий куна икIу...



Къиямасса къини



«Аль-Аъдият» тIисса суралул аятру




«Аллагъ» тIисса мукъул ххютнил «МухIаммад» тIисса махъ чивчуну бур



СиратIрал ламу



Къулгъулул цалчинмур аят



Бивкълул къапулувух гъарцама уххантIиссар...

Мавлудирттал конкурс



«Кази-Кумух» группа

Уттигъанну къуртал хъунни Дагъусттан Республикалул 2-мур мавлудирттал конкурс. Му бия хіадур буну Теологиялул институтрал ва Дагъусттаннал Бусурманнал Диндалул Идаралул. Вайннал бусаврин буну, конкурсрал хъхичіунмур мурад – бусурманнал дяннвсса дусшиву ціакъ даву ва Мухаммад Идавсил ﷺ оърму кіул баву бия. Жюри сакин буну бия Дагъусттаннал лайкъ хъусса артистгъурая, диндалул алимгъурая ва ИТиМОлуву дарс дихълахъисса професортурая.

Конкурсраву гъуртту хъунни лакку мазрай мавлудру дуккайсса группардугу – «Новолак» ва «Кази-Кумух». Миннива цалчинмур полуфиналдану, кіилчинмур

– финалдану гъуртту хъунни. Цинугу финалдану булуккуна 9 группа ва 7 солист. Бия Чачаннал Республикалиясса хъамалгу. Миннал цала мазрайсса мавлудгу дурккуну, Дагъусттаннал Муфтийнан ва конкурс хіадур бунминнан бахшишран буллуни Чачаннавусса зияратирдаясса луттирду.

Группардаву цалчинмур клану бунгъунни Хасавюрт шагъуриясса «Нуруль-Иршад» тїисса группалул, кіилчинмур – Унцукуллал райондалиясса «Шамилкала» тїисса группалул, шамулчинмур – Казбек райондалиясса «Дылым» группалул. Солистураву ххув хъунни Амиров Мургазали. Кіилчинмур клану бунгъунни Асхлабаълиев Юсуплул, шамулчинмур – Даудов Жамаллул.

Къашавайни хъугъу бахчуну бухъурчан чак зия шайссарив?

Агана чаклил чіун дайдирихъуну къуртал хъунціа бухкъалаглагисса хъугъу бахчуну бухъурчан, мукунсса хъугъулул чак зия къабайссар. Агана кіулну бухъурча чаклил чіун дайдирихъуну къуртал хъунціа, хъугъу къатий чак буллан бюхъансса, му чіумал буваншиврул махъун бутан бучіиссар.

Чаклин исаврил фари-зартту цими буссар?

Чаклин исаврил фари-зартту буссар ряхва:
1. Ният даву;
2. Лажин шюшаву;
3. Кару ссюрхъирдайн дияннин шюшаву;
4. Бакрайх масхіу баву;
5. Ччанну къюрщалтрайн бияннин шюшаву;
6. Хъхъичі-хъиририв (тартиб) даву.

Бучіиссарив чакливу «АльІам» аъраб мазрай къабувккуну, цамур мазрайн таржума буну буккин?

Къабучіиссар, мукун бувсса чак хіисав бакъ-ассар.

Бучіиссарив жагъилсса душнин цамур шарссания личіи хъусса, оърчіругу бусса адиминан шар хъун?

Бучіиссар.

Бучіиссарив гъаттай тїутіив дугъан?

Ца чіумал Мухаммад Идавс ﷺ кіия бусурманчувнал гъаттардил чіарах най унува, увкуну бур: «Вай гъаттардивуми цалва бунагъирттал цаній аъзаврай буссар», – куну. Яла ганал буюр буну бур ца щюллисса мурхъирал къартта ларсун бучіан. Ларсун бувкїукун, Идавсил ﷺ га кіидурхъун, гай гъаттардивун лиркїуну, увкуну бур: «Бюхъай гайннал аъзав биъа хъун вай къартри къакъаннин», – куну. (Имам Аль-Бухари, Имам Муслим).

Ва хіадисрайн буну, гъаттай ххярхсса щюллисса, уттигу къакъаркъсса зад риртгуну къахъинссар, гания гъаттаву-манан мюнпат бунугіий. Цала гъан-маччаминнал гъаврду марці дан ччиманан гайннуйсса къаркъсса уртту ритгун бучіиссар. Тїутіив дугъангу ихтияр дуссар.

Чаклин исун цукунсса щин ишла дан аъркинссар?

Чаклин исайсса, гъуслу байсса, нажас шюшайсса щин диклан аъркинссар марцісса, нажас дакъасса. Саврунная ларцісса гъарал щин, ягу лухчинува нанисса неххал щин, щарашул щин, къуйлул щин, ягу хъхъирил щин, ягу мархалтганил, микїирал щин ишла дан бучіиссар. Му диклан аъркинссар «щин» куну ціа чин бюхъайсса, цурдагу марцісса, цамургу марці дайсса. Нажастьсса, марці дакъасса щинай чаклийн исун, гъуслу бан, нажас шюшин къабучіиссар. Хлатта, марцісса зад дагъну даххана хъусса щинайгума чаклийн исун къабучіиссар, масала, зяъфиран бунгун хъахъи дурсса щин кунна, хъинну даххана хъуну духъурча. Кїиба къуллалійн (216 литра) къадирсса дарцісса щинаван нажас дагъарча, мигу нажас шайссар, къанкъ, ранг, тїин-тїааън даххана къахъурчагу, миннуй чаклин исун къабучіиссар. Амма ми нажастьсса щин кїиба къуллалійн дирсса духъурча, мийннул я къанкъ, я тїааън, я ранг даххана хъуну дакъахъурча ишла дан бучіиссар. Цания ца даххана хъуну духъурча мийгу къадурьссар. Цал чаклийн ивссуну, ишла дурсса дурсса щинайгу кїийлчийн исун къабучіиссар.

Дувссилул, дукнилул, муххал, мий кунна цамур сси бакъайсса тїахїунттуву бургъил кїири ларгсса щинай чаклийн исунгу, чурх шюшингу къахъинссар, барас цїуцаву (проказа) шайссар. Хіачан хъиннура къахъинссар. Хъиннура кїирисса, я хъиннура дяркъусса щинайгу исаву къахъинссар. Марціривав, нажасривав тїий щак багъсса щингу ижтигъад дурну (хъиририв лавну, кіул дурну), марцішиврий дакї дацарча дакъа къаиссунссар.

«Насихіатуль-аъвам» («Гъунчїукъатіан»)

**ХХИРАССА УССУРВАЛ ВА ССУРВАЛ!
НАЙ ДУССАР 2013-КУ
ШИНАЙССА "АС-САЛАМ"
ККАЗИТРАЛ ПОДПИСКА.
ККАЗИТ ЧИЧИН ХЪУНТИССАР
ЧЧИМУР ПОЧТАЛИЙ ВА ГЪАРЦА РАЙ-
ОННАЙССА ЖУЛ ВАКИЛТУРАЙХЧИН.
ЛАККУ MAЗРАЙССА ККАЗИТРАЛ
ШИНАЙССА БАГЪА ХЪАНАХЪИССАР
270 КЪУРУШ, ОЪРУС MAЗРАЙССА
ККАЗИТРАЛ – 583 КЪУРУШ.
ККАЗИТ ЧИЧАВРИЛ ВА БИАН
БАВРИЛ ХІАКЪИРАВУ ОЪВЧИН
БЮХЪАНТИССАР ВАЙ НОМЕРДАЙН:
ЦИУССАЛАКРАЛ РАЙОНДАЛИЙ ВА
НОВОСТРОЙРАЙ +7-988-307-04-03,
ЛАККУЙ +7-988-771-59-70.
АЛЛАГЪНАЛ КУМАГ БАННАВ!**



ДУАЪ

ОЪССА ИНСАНТУРАХ УРУВГУКУН, МИННАХ ВИЧИИ
ДИРХЪУКУН УЧА

Раббана ла тузигъ къулубана

бягда из гъадайтана вагъаблана

мин ладунка рахїматан иннака

анталь вагъгъаб

Хіурмат бусса уссурвал ва ссурвал!
Зунма цїуххин ччисса,
Исламраціун, Шариаътраціун,
кулпатрал багъу-бизулуціун бавхїусса ва цаймигу суаллу
гъан бан бюхъайссар SMS – райхчин 8-928-580-37-
89 номерданийн, ягу 51-85-22 номерданийн оъвкуну
цїуххин.
e-mail: assalamlak@mail.ru

Рузнама

Май

Къини	Кїорххил чак	Баргъ букваву	Ахтгайн чак	Ахтгакьун чак	Маркїачан чак	Хъатіан чак
1	3:47	5:40	12:46	16:39	19:52	21:31
2	3:45	5:39	12:46	16:40	19:53	21:32
4	3:43	5:36	12:46	16:41	19:55	21:35
6	3:40	5:34	12:46	16:41	19:57	21:38
8	3:35	5:30	12:45	16:41	19:58	21:41
10	3:31	5:27	12:45	16:42	20:01	21:44
12	3:27	5:27	12:45	16:42	20:04	21:47
14	3:24	5:25	12:45	16:43	20:06	21:50
16	3:20	5:23	12:45	16:43	20:08	21:53
18	3:16	5:21	12:45	16:44	20:10	21:57
20	3:12	5:19	12:45	16:45	20:12	22:00
22	3:10	5:17	12:46	16:45	20:15	22:05
24	3:08	5:16	12:46	16:47	20:16	22:08
26	3:05	5:14	12:46	16:47	20:18	22:11
28	3:01	5:12	12:46	16:47	20:20	22:13
30	2:59	5:11	12:46	16:48	20:21	22:16